

Umpama 'bajet kemerdekaan' - Najib

KUALA LUMPUR 1 Sept - Datuk Seri Najib Tun Razak menyifatkan Bajet 2007 sebagai bajet kemerdekaan', yang pasti disambut meriah oleh semua lapisan rakyat.

Timbalan Perdana Menteri percaya bajet itu disambut oleh semua lapisan rakyat seperti kemeriahan sambutan Hari Kemerdekaan yang baru berlalu.

'Saya juga menganggap bajet itu meriah seperti kemeriahan sambutan Hari Kemerdekaan,' katanya kepada pemberita ketika mehngulas Bajet 2007 yang dibentangkan oleh Perdana Menteri, Datuk Seri Abdullah Ahmad Badawi di Dewan Rakyat hari ini.

Beliau berkata, bajet itu berdasarkan semangat Misi Nasional dan Rancangan

Bajet itu turut memberi kelegaan dan kekayaan kepada semua pihak serta menjana pertumbuhan dalam bidang-bidang baru

NAJIB TUN RAZAK
Timbalan
Perdana Menteri

Malaysia Kesembilan (RMK-9), bagi melihat pembangunan yang seimbang dan adil kepada semua lapisan rakyat dan sektor.

Bajet itu juga, katanya, memberi tumpuan kepada golongan berpendapatan rendah dan miskin, serta pada masa yang sama memberi insentif kepada sektor swasta dan golongan korporat.

Najib berkata, satu perkara yang mena-

rik tentang bajet kali ini ialah mengenai potongan cukai korporat yang akan memberi insentif dan galakan cukai untuk sektor itu berkembang.

"Potongan cukai korporat itu akan meningkatkan peranan sektor swasta bagi menjana pertumbuhan ekonomi.

"Bajet itu turut memberi kelegaan dan kekayaan kepada semua pihak serta men-

jana pertumbuhan dalam bidang-bidang baru termasuk bioteknologi, hab halal dan komunikasi teknologi maklumat (ICT) serta sektor kewangan Islam," katanya.

Katanya, bajet itu sekaligus akan merangsang pelaksanaan RMK-9 yang menetapkan sasaran peningkatan pelaburan kepada 11.2 peratus.

Selain itu, jelasnya, ia juga memberi kebaikan kepada sektor yang membabitkan aktiviti rakyat seperti sukan dari juga golongan kurang upaya.

'Ia satu usaha memberi insentif dan galakan (sektor korporat) dan satu lagi pembelaan (kepada rakyat)," tambah beliau.